

兩浙海防類考續編

原考

一操練官兵查得水兵陸兵原遇汛期分發哨禦防守汛畢掣回其

水兵在船操習水戰陸兵合營訓練萬曆元年貳月內為申

督習射以嚴武備事該本道副使劉 看得射比禮樂書數

次之固以崇韜亦以觀德古人載之射義者其詳即今鄉會

武科大率取決於是非徒小技而已近該本道操閱官兵類

習輕裘博帶之態其於操弧挾矢若不屑為又且預造高大

垛把短小弓步希圖章中甚至買流鼓手掩人耳目率皆高

臺及下戲擲之數何有貫虱穿柳沒羽之能哉此平日不學

之過也諸藝固皆不可缺者然百步之外非矢不達就經通行各總每總并各衛所各置立較射簿二扇將寧紹二區水陸官兵及衛所官軍俱每月逢二日令各把總掌印官於教場演習本藝之外願射者聽公同填註有無中數下月終送道查驗倒換不許捏報虛應本道據此以別

分等黜治俱聽本道親臨校閱賞罰

為整理海防事奉

欽此督撫軍門方案驗題

嘉慶元年十一月二十二日奉

兩月各船止留各船梢水看船原派軍火器械候手
叅將駐劄者聽叅將近備倭把總駐劄者聽把總督同哨官
隨宜擇地訓練至玖月初上船防過小汛拾壹月中起至來
年正月中止各在水寨如法練習俱叁日壹次嚴加校試精
熟仍聽海兵該道親詣閱視量行賞罰方發出洋每項水陸
操畢該道報院查考等因遵依督令定海臨觀貳總并中遊
哨官兵小汛畢俱在定海關水寨大汛畢俱在定海衛教場
聽各把總官正兵正遊貳哨官兵小汛畢俱在舟山水寨大
汛畢俱在中中中左貳所教場聽叅將中軍官昌國總官兵
小汛畢在石浦關水寨大汛畢在前後二所教場聽把總官

兩浙海防剿捕總兵官
如法訓練其本區寧波臨山二營陸兵每年汛期調發沿海
防守聽把總官督同衛所官兵合營操練汛畢回營每遇三
六九日在寧波者聽本道操練在臨山者聽把總官操練及
本道巡歷閱視其餘各區水陸官兵操規俱照例進行又為
比例懇復舊制以實邊備事奉

本院批巡檢陳立中等呈各巡檢司原額弓兵陸續奏文扣
減解京濟邊充餉等項存兵數少不敷巡緝防禦等緣由到
道及據寧波府呈詳前來詳批巡司官兵之設本為待暴客
衛生民其弊至於倚隘作奸受詞勒詐弓兵本以禦盜而反
以為盜勾攝騷擾貽害地方因此漸次議減殆盡不幾於

噎而廢食耶既裁司兵司軍檢為也今據各司告噤必
有說諫府之議亦云詳矣額非不可議增工食非難於議
派但患有名鮮實無當於用耳本道前在楚中親見各巡司
兵數仍舊額有至肆伍拾名者但各江防兵巡衙門置有簿
冊即令在附近本道地方與民壯等役一體合操每月六次
管操官查聞不到者呈究

各完閱操隨衆較藝遂得實用我浙沿海衙門星列獨不可
推廣

軍門團操水陸二兵之制於各附近各道總叅把總去處如
期合練之乎若此則人皆精兵自難於營私而坐食矣況中

間關隘有衝僻要害有緩急附郭有遠近見存有衆寡其增
數又未可一例議也仰府覆查精確酌議以憑通詳即填入
成書可也速繳隨據該府覆議具呈諒本道議得管界塔山
鮎鯨霞嶼長山穿山太平爵谿石浦陳山十巡司除見存玖
名外量加兵伍名松浦向頭二巡司除見存捌名外增兵陸
名角東巡司原存兵拾名外量增兵肆名趙鼎巡司見存玖
名尚有貳拾貳名撥出防守縣城不必加增螺峰岑江岱山
寶陀肆巡司見存玖名與原於舟山團操弓兵內撥還伍名
各在司防守俱遵

本司團練水陸二兵之制於各附近總寨把總之處與各

軍兵合操但宜選擇驍悍保甲兵其間不精者三舍勿通之
關標隨處酌量訓練

欽差督撫軍所到 批題云等兵自抽取之後要緊案牘必既經頭道
點議時又准其數量行增復上書點額但慮嚴加點驗不從
實用可也其後如嚴密行檢案

巡按市江上巡察與吏蕭 批各巡司三據議刑量已明依議
行御史在道行巡撫于將鎮撫稱判而於天下者為其鍊之
有素則若欲初試之後棄而置之則欲點驗多生精光理說而
不可用美其以嘉之是各款亦諱諱之其言以弗恒乎故將
不知其兵不知戰練為最之可慮兵之為用外以殺勝入內

船後自能隨風而南而北是船人便處之初船長想係
船為輕便而小則人若不能乘無用兵船之說其意蓋
當時船之輕便故不計其體之輕而祇於其上是故其
士僅有餘力泊船處所創立桅杆以便操演雖有是事
船長以為應援而兩利俱得也時漸底草蓬量地險要而船
船身雖小而留兵至如鉛彈火藥等物但使備禦而不
花端是也其船之輕起而操練之法廢矣若不及時教練
則其害必甚且在船長技軍火互用如賊船離遠則以魚
雷為先賊船逼近則以長鎗為前鋒其害甚矣
二船手之輕等役不可更而輕散後兵夫各在船中

境邊警則與陸兵齊操誠恐至警陸兵練習無益也
三隊俱習鳥銃每什以二人習刀一什二人習狼筴四人習
鎗二人習鈎鐮短鎗暇時俱習弓弩如鳥銃衝陣則刀牌手
護之刀牌手衝陣則長鎗護之弓弩鎗鐮手衝陣則狼筴
手護之所謂長以衛短短以禦敵兵制之常經也但器具欠
精餉額漸減月廢火繩鉛彈例不開銷今之病也近蒙明文
切責器具之修置日精餉額均平水陸之月支一例且於火
藥等物量與開豁矣柰何道乎逆食之民以兵為生而使貪
使詐之徒馭兵為利利其苞苴長其驕悍稍嚴驅策動輒脫
巾此於操練之實何如也為今之計尤在練將耳誠使為將

者廉明公勇不以私自營不以法自撓不以勢自畏不以難
自阻不以逸自安不以分自廢則將之所以自練者為有道
矣以此練兵則言無不聽法無不行事無不立名無不正驅
之白刃而可蹈率之深塗而可赴矣兵將一心遐邇一體以
之養於平時則為有制之良兵用於有事則為出匣之利器
驅之無不利矣故曰練兵必先練將

申諭

一操練官兵

萬曆貳拾陸年間為軍初事談海兵道按察使范奉
督撫軍門劉憲牌選募兵今陽汛屆期各兵例應出拜

禦其間多有空閑時鉤防重地兵皆精勇且今天高氣爽
不可坐消時日古謂三時務農一時講武正在此時仰各出
汛各把總官趁此冬暇天氣清爽即便嚴督所部官兵隨汛
隨處選擇平陽地面逐日各將所習藝射操演太官仍將某
藝優某藝劣每半月揭報查考毋得虛應上負

國恩下甘自棄取咎未便各官兵收汛回日本道即以此為殿最非
虛談也先具依准呈繳○又為軍務事該前道照得本司以
整飭邊防為職今天高氣爽正宜講武之時已經分布條約
行統兵把總出洋官兵隨汛隨處擇地操演每半月揭報外
其守境官兵移會總鎮叅將衙門督令各官兵三六九聚眾

操演餘日各自比較按月各自呈報仍將技藝精拔者徑行嘉賞以鼓士氣○又為申嚴操備以重保障事該前道照得各衛所食糧操備軍人防衛城池屬衛所官操官官轄皆當以時操練倘城池不完衣甲器仗不整不操練者律例森嚴毫不少假過來官有官操之名軍無操備之實以致糜費官軍月糧無裨實用本道職專整飭兵防憤事官員徑得參奏合行查復舊規督飭操練為此仰衛即便通行衛所官操官將該衛所操備軍人逐一拘集各帶器械逢三六九日操演各官印信格簿臺為上格序列該衛該所官名次及武生次

軍民次將操日每格內填中滿數目操

饑思名軍日食

糧皆當思報毋得廢時怠惰自取罪咎○又為軍務事本邊
 自念聞見有限揭報難憑或情或勢何能坐照諒府均有地
 方軍民之責合行知會稽查仰府掌印官每於政事之暇不
 時躬親稽察凡各水陸總哨官兵并衛所官軍某官恪謹素
 行某兵某軍用心演習某官虛文相應某兵某軍怠惰偷安
 但有所聞所見即便分別密揭報道以憑究處務要著實留

心舉行毋視末務○又查得萬曆貳拾陸年間為申飭訓練水兵以裨實用事談台州兵巡道副使彭 奉

督撫軍門劉 批本道呈奉

本都院憲牌照得本院巡歷沿海閱視水陸官兵陸兵操練俱有常期及欲閱操水軍始聞近年遞不操練夫水戰之法與陸戰異操舟施技各有機宜聚三軍之衆投於風濤之險不教而戰制勝未聞法曰治衆如治寡寡之不治而動欲多增即多適為累耳相應立法申飭行道即行叅總各官今後各將所部水哨船兵立期操演汛暇則各總分哨預操臨汛則該叅糾總合操大小船隻軍火器技作何演比進退分別攻

奏為修何布置以備水師操演事
奏為修何布置以備水師操演事

辨明止照部分應辦務令操水

患弗克古人以少却衆變弱為強率多由此而少

雄列省裁如各船歲額火藥不敷不妨另議增發以資應用
每歲終各叅總將操過次數緣由呈報至於每汛該道祀江
之期必先合操一次方與發兵本院躬臨督汛間抽各哨兵
船閱驗分別賞罰永為定規各具遵奉緣由及議增火藥數
目報詳行准台金嚴叅將吳 手本據松海把總莊以蒞呈
照得水戰之法行陣固當操而器械尤宜習各器械必先精
治又必精擇能用各器械者以教之先演之於陸次習之於

舟次習之於風濤播蕩之中運用若一然後為之習各藝既熟合成一船各船皆習合成一陣然後為之操職領事以來日夕講求若非

本都院本道主持於上職亦無由奉行於下本區水兵設有松海兩關兩遊共肆營鯉港信地係中遊立為前營色尚紅大陳極島原立貢哨所以應援諸信立為後營色尚黑漩門派共靈門鹿頭猫頭屬松門關立為左營色尚藍深門關口主山東西礮牛頭靜寇大佛頭屬海門關立為右營色尚白

以時以叅府及備倭把總併各官所坐船立為中營色尚青旺之士以別方向叅府之旗帶伍把總者

三三合戰以別等級如前營當敵後營既之左右兩營分
翼夾攻後營當敵前營亦如之左營當敵右營既之而前後
雷與以夾攻右營當敵亦如之此兩關遊合戰之大勢也倘
一信當敵則左右隣信夾攻此一信之勢也一營受敵三營
合擊一信當敵三信合應以此操即以此戰行則成列止則
成陣此亦常山之勢也且海中不惟以人鬪人尤復以船鬪
船我以伍拾人駕壹船而衝犁百人之賊船是我以伍拾人
勝百人矣顧在訓練教習之何如耳戰船之大者如福滄艦
鐵等船勢甚雄壯便於衝犁利於深水大洋而淺塗無風不
能運動大端風動勢順則滄不如福艦不如滄鐵不如艦小

不如大若風小勢逆福不如滄滄不如艫艫不如鐵人不如
小哨船多櫓能戲虎船多槳能划旋轉輕捷不拘風水順逆
亦可槳楫便於攻戰而不能衝犁划船壹葉形似織梭駕以
兩人或參肆人以罩罩之往返無聲晝以傳宣號令夜以縱
火斷繼至於迴運轉戲八風可使莫若沙船此本區所無者
大小皆備用惟其宜而倭奴長技有二惟鳥銃雙刀鳥銃縱
能命中所傷不多亦中國所有者雙刀雖利而隔船焉能施
其巧中國火器如百子銃佛狼機火箭神機箭一窩蜂噴筒
火礮火越火桶烟確中國之長技十尚有短器如牌銃礮
連鎗鎗之屬是以十而勝其二遠則用百子銃佛狼

機以擊之諸火器以焚之中敗其一舟一舟壞賊豈能獨
存舟楫來交兵刃未接而我已獲全勝矣是水戰為中國長
技也而水戰之長技皆賴火器諸火器之中而飛砂百子銳
尤能及遠洞堅若於平時演習臨敵不至手顫目眩驚惶無
措必能取準矣諒本道覆看得有兵而不練與無兵同故所
恃以禦寇保民者必素練有制之舟師也仰荷

本都院軫念海防申飭訓練誠籌邊至計真靖生民之盛心
今據叅總議覆相應轉請合候詳示備行叅總等官遵照將
松海關遊立為伍營各定方位按期操演比藝臨汛聽本道
合操發汛練之既久則人人皆勝兵矣年終叅總各官將操

遞次敷用過火藥呈報開銷呈奉

本都院詳見在遵行○又為請更水戰陣法以裨實用事
該前道批據松海把總莊以蒞呈蒙本道批卑職呈切照操
練之法演於平日使之服習以為克敵之用非以尚美觀如
操一法而戰又一法則徒有虛文無裨實用即演之平日何
益臨事哉本區水營操練向無定制每歲發汛之時水操一
次不過將唬船拾捌隻分為左右兩行三三相間衝為疊陣
必應故事殊不知水戰之法與陸戰異陸地平實不動進退
由已不致參差錯亂水戰取必風潮三疊進退不能如意密
布水雷遠則卒難策應且本區唬船伍拾伍隻若

止以拾捌隻操演則餘船臨陣不用然平時操之何用
止無奇大非兵制近奉

本都院本道通行演習水師於大海之中本區大小船隻合
戰衝犁已蒙允示遵行外但本道發汛上司按閱多於海門
道頭台州江下然二地窄隘惟可以操哨船唬船之法猶貴
畫一有實用也卑職請以伍拾伍隻分為伍哨每哨各拾隻
左右兩行列於前為第一疊以作正兵大陳遊哨唬船貳拾
叁隻分為兩行列於第二行之後以為二疊所餘拾壹隻叅
府及各官所乘之座船俱更色列於二行之後以為第三疊
以作中軍策應奇兵每疊各船編定號數衝鋒之時逐船魚

貫攻打使勇者不得獨進怯者不得獨退庶無越亂逗遛之
弊如第一疊攻敵則第一行為正兵第二行為遊哨奇兵第
三行策應奇兵第二行攻打則第二行為正兵第一行為遊
哨奇兵第三行作策應奇兵分番疊出勞逸適均伍拾伍船
皆入操練分則伍哨總則整疊合則一陣前船兩疊各有頭
尾凡觸處為首擊首則首為正尾為奇擊尾則尾為正首為
奇擊中則首尾俱應實常山之勢此唬船之陣法也而各哨
船原係打哨探聽之用總分為兩行列於唬船之外以作伏
路之兵及圍擊取勝之時各疊加因賊於中向賊盤旋攻其
後功取勝其他大鵬雙龍無龍等名即八陣龍虎

蓋以別陣名呼其名即出此牌使易於相應耳以此牌即以
戰演之平時用之臨事以奉本道操陸之時注意於戰
陣分番遊噴奇正相生且以導讀不道之實意更此疊陣操
非徒蠲測之愚可為克敵之一助也蒙批以此操即以此戰
乃為實用據議本始分為二疊正遊策應俱有布置此即古
名將陣法遺意練熟臨戎可稱全勝技矣照行繳俱經遵照
操演見在照行

一考察官捕查得寧紹二區水陸各營哨官捕盜耆民隊什長為兵軍領袖必須誠實精壯者充之庶克有濟該本道副使劉

訪得各役因循積弊踵襲利規中間守法者固不盡無其虛兵冒支暗糧侵盜放債賭博扣剋賣閑恃倚東兵指一科十種種奸弊不可勝言以致老弱羸病之人互相蒙蔽坐食廩糧就經行據各總呈解前來逐名點閱考察除事犯稍輕者量行責戒姑准留用令其省改有顯過者重責與老弱疾病者一體革退另換其過惡多端者發府究問以後每年防過大小二汛畢日一體送考通行備由於萬曆元年拾壹月內

呈奉

欽差督撫軍門方 批准照行繳蒙

巡按浙江監察御史蕭 批據呈見本道振刷武備依議著
為定規此繳遵依每年防過貳汛一體取考向在遵行

申諭

一考察官捕

查得沿海各區水陸官目每年於防汛畢日聽海道鎮叅會
同考察賞罰以昭勸懲續於萬曆拾伍年為酌考察以便訓
導奉

部院溫 憲牌以後俱參年大汛畢通行考察近奉

文止於汎期奉

軍門撫臨行取官目暨心文悉者要至汎畢日聽候詳報外
別去留并應戒應拿諸項遵行在卷○又為倭警巨測要地
可虞謹陳防禦事宜以資

廣謨以靖海波事萬曆貳拾年玖月內談海兵道奉

督撫軍門常 案驗准兵部咨兵科抄出南京兵科署科事
南京刑科給事中徐桓奏方今西賊叛逆北虜跳梁當事者
以討賊備虜兩端措手屋

言時言亦孔棘矣所土者春汎畢期東南庶無警耳乃遼東忽報
倭無遠百隻直犯朝鮮勢甚猖獗臣見之不勝驚駭不勝憂

盡夫關白智能全奪力能盡并攸焉啓疆志不在小豈徒
勝一朝鮮已哉此形巨測

畿輔要地深屬可虞倭虜將不在東南而在西北矣臣代攝兵垣而又
生長東越彼倭之患與防倭之策耳目習之敢苟默不為
皇一二籌乎今之談兵者謂倭奴易與耳

言時倭盡殲之隻艦不歸封為京觀此疥癬之疾無足深慮臣則謂
不然當嘉靖入元者非真日本乃島外夷也汪直徐海等誘
引剽掠志在子以財帛耳故一招撫汪直等即窮促後降然
尤費天下全力數年而後平定忘關白殺其主而奪之兼併
陸拾陸州其智與威力迥非汪直等倫而左右羽翼甚多

浙人有技能者治艦繕兵直欲舉勝力與中國抗烏可規為
易與而忽之朝鮮距日本極遠溟渤渺茫忽揚帆鼓棹直趨
其境遼東密通朝鮮鴨綠江水道往來頗便黨聲東擊西倏
轉而犯遼左將若之何遼左自劉江之捷倭警絕跡人知備
虜不知備倭然兵力強而材官備山海關險阻尤有可恃天
津通海口抵

京師僅僅三舍彼中有善識海道者誘之徑從海口直抵天津則逼近
京邸而武備又單弱不知將何以禦之此臣之大恐也然禦
倭之策無過截之於外洋撲之於初至蓋倭善跳躍利陸戰
不利水戰吾從其所不利者擊之則易為力而所為截之撲

之者冀神於火攻或用火箭焚其舟或用火砲殲其衆此出奇制勝第一事惟南兵用之為最精北兵止長步騎而水戰火攻尤其所短者臣請

勅劉遵督撫諸臣急募南兵南兵惟浙人驍勇倭奴所素憚聞張家驊河西務等處浙人延頸待募者甚多一募之可得數萬人擇其壯勇者收之行伍令兵部選善戰者提督而訓練之膚功可立奏不爾則見有薊鎮三屯營南兵可二明遼左急則令赴遼左天津急則令赴天津即遣遊擊吳維忠將之昨見撫臣沈思孝疏請調發以禦逆虜臣謂寧夏道里甚遠徵發不便用要地尤為喫緊此調募南兵以破倭機宜所當議者一將

軍之司命必得戚繼光劉顯者為將倭不足平矣今世豈
其人哉顧所以求之任之甚難之何如耳沿海地方行領離
星羅布列然多統梅僑師即知能者往往視官為俳舍朝夕
營營為薦引陞遷計孰肯究心兵法與地利也此無他久任
之法不行而考課之典獨遺耳臣請

乞將海督撫會同按臣將屬內武職自總兵而下一一品階而甄別之
某也智某也材某也勇如臣所知福建總兵朱先曾擒剿於
海上浙江總兵侯繼高曾克捷於花腦浪港此二臣者倭情
熟諳宜久任以責成功其參遊等官果能材稱職者照有司
例必伍年外始為陞遷有功者加秩加銜不得仍前驟轉而

又行考課之法鼓舞而激勸之合無行令督撫照依各道
例每遇年終將見任防守春夏貳汛大小將官稽覈勤惰功
罪分別

上請庶人心知懲勸而勇氣自倍將見海徼壯於金城尚有倭患之弗
靖哉迨又任武職以防倭機宜所當議者二士卒雖微藉出
死力決勝負於呼吸頃至重也必平日平以恩信始有事効
其死綏故古善將兵者與士卒同甘苦欲得同仇力以資緩
急用乃今蓄兵者異是將領惟事剝削有司但圖剋減月糧
未散即扣常例於官甫及分領又歛公用於將計士卒所得
實餉幾無甚有稽遲卒年或壹季不給者致令臨中謀呼大

乖

國體即不諱亦多疾視平居既已離心臨敵安有聞志是必不勝之數也臣請

勅沿海督撫嚴加約束有司毋扣常例稽糧餉將領毋假公用剝軍需違者必叅治而於養士之中又默寓倡率之術行伍中有投石超距藝勇絕倫者議拔之優賞之以作其氣鼓其勇此輩亦有人心者必能奮勇先登以圖報効此作養士卒以禦倭機宜所當議者三臣按籌海圖編倭自伍島開船必由陳錢下八山經過取水候風始分控一犯是東錢乃倭奴之咽喉浙直之門戶也最為要害若令浙直合兵哨守遇警併力堵

載何患其侵入內地向因倭亂畫地分哨而總叅等官又憚風波之險不躬親督率致倭奴出沒罔聞殊屬踈虞近據蘇松兵備江鐸揭稱遊兵把總張瀾率大小戰船會合兩浙官兵直哨至陳錢羊山等島海波寧息此同心戮力之義勇功效明甚臣請

又題撫以後遇春冬汛期務令總叅等官躬率官兵往來督哨各會合於陳錢防守一遇倭警即便併力相機截殺毋容內入倭事者以失機論庶聲勢聯絡門戶固密如銅山寨峯大門入閩廣要路倭亦不敢內窺此控扼要害以禦倭幾

議者四臣間行師之要在賞信罰必甘見禦倭之義勇

傷用名色把總領兵應敵敗死則臣不以聞倖勝則臣不以聞績士卒真獲首級者不賞家丁坐食餽廩者冒敘致于守禦槩從姑息未聞有立斬以徇者如此賞不信罰不必何以使前喜而後懾也臣請

勅督撫諸臣一洗舊習以後用兵務令參遊等官親自督戰毋令名色代替其名色中真堪驅策者宜預請實授未戰之先明與將士約如何為功功必賞如何為罪罪必罰如能邀截為功否則罪賞不以讐掩罰不以親宥其士卒斬獲一人者即照例賞銀若干一有退縮即斬以徇於師則賞罰嚴明將士皆爭先用命有必戰戰必勝也何倭亂之足慮此嚴明賞罰以禦

倭機宜所當議者五臣為此五議卑卑無奇畫而實於防倭有裨倘蒙

採納必能繫關白之頸而致闕下若夫繕城堡謹斥堠修戰艦利兵器備芻糧則防禦所必資而當事諸臣類能言之無俟臣贅至於臨機應變因敵設奇則又身親行陣者之責非臣之愚所能逆料也伏望

皇上睿斷將臣所議五事亟下該部酌議施行於防未必無小補而非其本也惟時

斜朝講以肅臣民之仰

竊聞大臣以國安攘之計發建

中外之望則精神流貫而內治既修德威遠播而外
服書曰無怠無荒四夷來王寧獨么麼島夷豕息之不暇
西鎮之變北連之虜亦將龍服削服而天下之治若泰山而
四維之矣臣不勝惓惓屬望焉等因奉

聖旨該部知道欽此欽遵抄出到部看得南京兵科署科事刑科給事中徐桓奏稱倭奴直犯朝鮮密邇遼東天津山海逼近京師武備單弱因陳禦倭伍事一謂倭利陸戰不利水戰宜用南兵以火箭焚其舟火砲殲其衆要行薊遼督撫諸臣急募南兵訓練遼左急則赴遼左天津急則赴天津即遣遊擊吳惟忠統領一謂沿海將領多統裱備帥要行各督撫按臣一一

品階甄別如總兵朱先侯繼高倭情熟諳宜久任責其叅道等官必伍年外始為陞遷有功加秩加銜不得驟轉仍依各邊事例每年終分別春冬二汛防守勤惰功罪以鼓舞激勵一謂士卒出死力須孚以恩要行沿海督撫嚴加約束有司無稽糧餉將領毋剝軍需行伍中有藝勇絕倫者識拔優賞以作氣鼓勇一謂陳錢下八山為浙直門戶要行各巡撫遇春冬汛期令總叅等官會兵防守遇警併力截殺毋容內入悞事一謂名色把總領兵應敵敗則匿不以

則攘為已績士卒直獲首級者不賞家丁坐食餼廩者冒敘要行督撫諸臣一洗舊習令叅遊等官親自督戰毋令名色把總

內有真堪驅策者宜預請賞授能邀截撲殺者為功退縮追
溜者為罪士卒斬獲一人者即照例賞銀若干各一節南兵
見心召募吳維忠推薦鎮海防遊擊并浙江遇汛會兵陳錢
下八山併力截勦俱經題奉

欽依通行欽遵無容再議外為照餉以時給賞不踰時

國家礪世舊典也近來有司稽遲將官培植以致豪傑久淹不克自
見一遇獲有首功必復撫為已有種種積弊殊可痛恨況今
倭虜交讐言急在用入非破弊奈何以鼓勇此科臣作士氣稽
軍功一節誠切中時弊膏肓振飭人心第一義也既經具奏
前事相應覆

合候

命下本部移文沿海省直各該總督撫按官查照科臣所議將參遊等
官逐一甄別著有功勞者即為加銜加秩其餘或有材能稱
職歷俸已深者方許陞遷不得覲覲速轉仍照各邊事例每
年終將見任防汛將領等官稽覈動情分別功罪具奏以憑
黜陟至於士卒糧餉有司俱要依期給散將領毋得假名剝
削其行伍中果有技藝出羣智勇過眾者即行超拔優賞以
作士氣以後用兵將領俱要親自督戰躬冒矢石毋令名色
把總代替攘為己功其名色中有能邀截撲殺士卒有
獲賊級者查照近例一體照賞如賊再有剋減月

餉營謀陞遷并貪穢名色軍功者聽撫按官查叅重究等因
萬曆貳拾年柒月初伍日太子少保本部尚書石 等具題

初柒日奉

聖旨是欽此欽遵等因前來即便轉行按察司并守巡海兵等道查照
該科所議將叅遊守把等官逐一甄別著有功勞者即為加
銜加秩其餘或有材能稱職歷俸已深者方許陞遷不得覲
覲速轉仍照各邊事例每年終見任防汛將領等官稽覈勤
惰分別功罪呈報又蒙

巡按御史李 案驗奉

都察院巡按浙江四百七十四號勘劄行司即便通行各司

道并總寨遊把及沿海將領等官知照仍於年終將見任防
汛將領等官稽覈勤惰分別功罪具由呈報

撫按二院以憑具

題施行節經海兵各道每於年終查將見任防汛將領官員逐一稽
覈分別填註考語文冊開送按察司類造轉送在卷○又貳
拾玖年正月內為倭警屢聞隄備宜預申飭防禦事宜以裕
安攘事奉

督撫軍門劉 案驗准兵部咨前事該本部題職方清吏司
案呈照得倭奴之為

中國患也所從來遠矣迄無端焉嘉靖壬子以後即自辛壬發難以來

漫我廣西掃我邊境賊塵

王師千里徂征四路並進一鼓蕩平彼其喪志而去勢必挾忿而來
春間聞廣浙直業已再傳倭警此者朝鮮遣使又經報有倭
船此鯨鯢得志之秋非燕雀處堂之日所有沿海一切防禦
事宜業經本部屢奉

欽依通行申飭去後第恐法久則漸弛事久則易玩呈乞預為題

請務先曲突之謀毋貽掘井之悔等因案呈到部為照思慮貴于預防
有備斯可無患而况蠢爾倭奴蓄謀吞噬匪朝夕之故矣一
巨家康突起復踵關白之故謀雖以乞和通市為名實欲與
兵構怨為計此情形之所必然而備禦之所必不可緩者今

欽定四庫全書
欽定大清會典事例
卷一百一十五
兵部
據該司所呈前因查得沿海地方防倭一節節該諸臣建白
本部覆議不啻詳載乎其言之矣即如近日兵科左給事中
桂有根以倭警漸急制禦宜嚴圖上方畧臣等業已覆奉

欽依通行沿海地方嚴加戢備去訖顧海汛要區東西綿亘焉能必其
處處之周防文武將吏陞調不常焉能必其人人之奉法親
此積薪厝火之形應圖撤桑未雨之計誠有如該司所呈者
合咨本部備行沿海省直各督撫衙門查照先今題議事理
限行鎮道將領等官兵船時加訓練險隘亟行修繕器械預
為整頓偵探務亟的確如福建地方時有番船往來偵探尤
便應另移文彼處督撫衙門責令選擇機警熟悉海道之

前往探聽如有的確敵息不時據實奏報其各省直隸近處
所無事則會哨分防遇警則出洋合剿將領當更置者速為
更調毋以嫌怨為辭種餉當設處者急為處置毋以匱乏為
諉與夫事當釐正者實見得非毋以紛更為懼事當仍舊者
實見得是毋以安靜為嫌務期保境安民斯稱有備無患至
于遼左密爾朝鮮沿海一帶尤屬緊要尤該經略邢 題議
添設兵將以資防援已該本部覆請查議尚未回報應併行
經略衙門逐一詳議應添與否作速具奏

定奪抑臣尤有說焉人情不激勸則日就因循法令不嚴明則不知儆
惕查得九邊各督撫每歲終將所轄營路大小將領甄別奏

開本部酌議覆請分別去留蓋所以激勵邊疆而使之儆惕誠良法也
今各邊通行遵守而腹裏未之舉行以故

明旨申飭雖勤各將領玩愒如故一聞倭警輒便張皇釀亂貽害職此
之由今虜患與倭患相仍則防海與防邊並重合無以後沿
海腹裏地方許各該督撫等官每遇大小兩汛完日逐一體
訪查照九邊事例于歲終將大小將領分別減否疏請

定奪如有果賢從公議舉如其不肖據法議斥如其人或不相宜不
妨議調庶甄別當而人心知所勸懲內外防而封疆咸有賴
藉其于軍機重務未必無小補恭候

臣等通行各省直一體遵奉施行等因萬曆二十九年十一月

十一日少保兼太子太保本部尚書田 等具題二十三日

奉

聖旨是沿海近多警報着通行申飭戒備不許怠慢欽此擬合就行為
此合咨前去煩照本部題奉

欽依事理欽遵查照施行等因前來准此擬合就行為此案仰按察司
照案備奉

欽依事理即便轉行鎮道將領等官兵船時加訓練險隘亟行修繕器
械預為整頓偵探務要明確將領當更置者速為更調毋以
嫌怨為辭糧餉當設處者急為處置毋以匱乏為諉與夫事
當釐正者毋以紛更為懼事當仍舊者毋以安靜為嫌務期

保境安民斯稱有備無患每遇大小汛完日該道體訪查照
九遺事例於歲終將大小將領分別臧否呈報以憑甄請

定奪等因備行各道見在遵行○又兩軍務事萬曆二十七年間該海

兵道按察使范看得哨隊捕者異日皆將材之需賢否宜

慎仰各備倭把總即將二十七年四月自本司道到任起凡

革補哨隊捕者詳開歷脚色選補者於何年月日頂補某

人缺領事照式填註考語審切諮詢實事分別上中下等黜

革者於何年月日某等黜革開造原照考語各文冊一本另

造竹紙青冊一本其行長船後不必崇造惟於內有執事處

總堪以拔錄隊哨者及藝疎老弱不守紀律應行革役者各

開具實事揭附各文冊皆釘封差人呈送見在照行

一獲功賞格查得隆慶肆年准本司關開獲功員役願陞者一擒斬
真倭首級幾名顆查係真正其功委難例應世襲一擒斬真
倭首級幾名顆功係稍易止終本身願賞者一擒斬真倭從
賊首級查係真正其功委難每名顆賞銀伍拾兩一擒斬真
倭從賊首級及漢人脅從首級功係稍易每名顆各賞銀貳
拾兩隆慶陸年捌月內為申飭賞功事例以勵人心以振

國威事蒙

巡按浙江監察御史謝 案驗談

兵科都給事中梁 題

准款開倭賊功級一各衛指揮千百戶獲倭船壹艘及賊者陞壹級賞

銀伍拾兩鈔伍拾錠在船軍士生擒殺獲倭賊壹人者賞銀

伍拾兩陸地交戰生擒殺獲壹人者賞銀貳拾兩水陸主客

官軍民快人等臨陣擒斬有名真倭賊首壹名額者陞實授

參級不願陞者賞銀壹百伍拾兩獲真倭從賊壹名額并陣

亡者陞實授壹級不願陞者賞銀伍拾兩獲漢人脅從賊壹

名額陞授署壹級不願陞者賞銀貳拾兩反賊功次內地反

賊壹人擒斬陸名額陞壹級至拾捌名額陞參級驗係壯男

實授幼男婦女與拾玖名額以上并不及數者俱給賞流賊

壹人為首壹人為從貳人該陣擒斬有名劇賊壹名額為首

若賊實授壹級世襲如
就陣擒斬以次劇賊壹名類為首者
者賞銀拾兩為從者量賞就陣擒斬
實授壹級世襲不願陞者賞銀拾伍
在此例就陣擒斬從賊壹名類為首者

首者賞銀拾兩為從者俱止量賞緝獲者不在此例前項功
次壹人自擒斬不分首從者照前陞賞陸名類以上至玖名
類者止陞實授貳級世襲不願陞者賞銀貳拾兩不及陸名
類者除實授壹級外扣算賞銀壹人為首貳人或叁人肆伍
人俱為從共斬賊級壹名類者不必分別首從共賞銀伍兩

均分陣亡者陞實授壹級世襲如不願陞者賞銀拾兩重傷
回營身故者陞署壹級如不願陞者賞銀柒兩壹人獨斬隨
從賊人拾伍陸歲小首級壹名額者量賞貳名額者給賞叁
名額者加賞當先破敵被傷者給賞其不係臨陣緝捕從賊
壹名額者賞銀肆兩貳名額者賞銀捌兩叁名額者賞銀壹
拾貳兩肆名額者陞實授壹級世襲不賞壹人為首或貳人
叁肆伍人為從緝獲從賊壹名額者賞銀肆兩不分首從均
分切照倭變以來建議防守之策有三出海會哨毋使入港
此為上策循塘拒守毋使登岸此為中策出水列陣毋使近
岸此為下策若不得已而守堡守城斯無策矣夫大抵倭奴入

請明例矣。但陸戰以摧鋒陷陣為難，斬獲次之。水戰以犁沉來賊之船為難，歸賊次之。蓋禦之於海者，曲突徙薪之功也，不得已而戰之於陸，焦頭爛額之功也。重水戰之賞，則賊不得登岸，遠民不知有兵，重倭功之賞，則夷不敢犯華，我兵不致畏敵。重賞之下，必有勇夫矣。何患海防之不肅耶？故曰克敵之術，無他，惟在賞罰明信而已。

申論

一獲功賞格

萬曆拾叁年間奉

督撫部院溫 明文一明賞罰信賞必罰兵家第一義伏覩
大明律開戰領兵官已承調遣不依期進兵策應若承差告報軍期而
違限因而失誤軍機者並斬若軍臨敵境託故違期登日不
至者斬官軍臨陣先退及圍困敵城而逃者斬此皆罰典又
有軍法從事之令見准

兵部咨該本部覆奏

欽依內開條約第一款如賊衆捌百以上至千人船拾餘隻以上至
百餘隻斬斬有名大賊首如先年王直等逆案

名顆陞實授三級不願陞賞銀壹百伍拾兩擒斬倭從賊
壹名顆者陞實授一級不願陞賞銀伍拾兩擒斬漢人脅從
賊壹名顆者陞實職一級不願陞賞銀貳拾伍兩若貳名顆
者當一級以上為第壹等須賊勢大舉血戰成功者方許開
列其餘不得擅擬賊至叁百人之外船伍隻以上擒斬賊首
壹名顆者陞實授一級不願陞賞銀叁拾兩斬獲真倭從賊
壹名顆者賞銀拾兩每叁名顆當一級不及數者給賞不
陞所獲漢人脅從賊壹名顆賞銀拾兩多者加賞不陞以上
為第二等須對陣鏖殺兩相鏖戰方許開列如賊不過百餘
人船不過壹兩隻賊首不過是一船主非巨賊能斬獲壹名

穎者賞銀拾伍兩真倭從壹名穎拾兩漢人脅從賊壹名穎伍兩通不議陞以上第三等此係賞格又有破格懸賞之例是賞罰之典雖存二操縱之機在人要施不測之恩與不測之辱有功便賞賞有罪復罰有罪便罰罰後有功復賞惟視軍士之功罪為賞罰而不然以自己喜怒則賞罰至公操縱由己兵皆畏我不畏敵未有不可以克敵致勝者○又於萬曆貳拾玖年奉

督撫軍門劉憲牌頒行一賊至三百人之外船至伍隻已十或係烏尾大船擒斬首級壹名穎者陞實授一級不願堂銀伍拾兩一獲真倭死賊壹名穎賞銀拾兩每叁名穎

一級不及

者給賞不陞一獲漢人脅從賊首者

拾兩多者

加賞不陞妄殺冒功者究抵以上重

方許開列

一賊不過百餘人船不過壹兩隻財首

主能斬獲

名類者賞銀拾兩

其係從賊壹名

漢人脅從

賊壹名類賞銀伍兩妄殺冒功者究抵

全船攻打

勦者仍准破格另議

八捷考

籌海圖編載

望海塙之捷

永樂己亥中軍都督府左都督劉公江瓚兵鎮遼東南至即相地
形勢請於金線島西北之望海塙築城建立烟墩一日瞭者言東
南海中王家島夜有火光計寇將至公遣馬步軍赴塙上小堡
備之翼日倭賊貳千餘人以數拾海鱗泊馬雄島魚貫而上直逼
塙下一賊貌甚醜惡指揮諸賊如入無人之境公得報但令裨師
秣馬畧不為意徐以都指揮徐剛以兵山下百戶姜隆率壯士潛
燒賊船截其歸路約曰旗舉伏起砲鳴奮擊不用命者戮既而賊

至公披髮舉旗鳴砲伏兵盡起為兩翼而進賊遂大敗奔匿櫻桃園空堡中我師追逼環而攻之且請入堡勦殺不許故開西壁縱之仍分兩翼夾擊生擒數日斬首千餘間有潛脫而逃艚者復為隆所縛無一人得免者諸將請曰公見敵意氣安閑惟飽士馬及臨陣披髮而戰追賊入堡不殺而縱走之何也公曰窮寇遠來必餓且勞以逸待勞以飽待饑法也賊始魚貫成蛇陣故作奔逸狀以鎮服雖愚士卒之耳目亦可借以壯其氣賊既入堡有盡而已我師隨彼必死聞我兵寧無傷乎故縱之生路而後以殺之即圍師必解之意耳書聞微至示師面慰勞之封爵焉

王江涇之捷 嘉靖三十四年四月

國家地廣治極文提武嬉海壖姦商乘時盜販因緣忿怒轉為寇賊
民不覩兵為日既久望風奔潰莫之誰何賊既連得利內附外連
聲應氣合徒黨滋蔓動以數千萬計又善用兵能以少為衆所徵
四方材勇懷伎武力士率殲其手勢若烈火猷猷狡焉思啓蓋
自壬子春更癸丑甲寅恣行轉掠戕殺燔燒叢萃數窟新故環迭
而兩浙三吳之禍變慘矣乙卯春柘林巢賊積增至萬餘人出掠
嘉善諸處夏四月劇賊徐海麻葉等探知嘉杭兵調松江搗巢率
衆數千人水陸並進聲言先攻嘉興次及杭時故巡撫李公留守
杭總督軍門在華亭無兵可恃軍民洶洶甚懼御史梅林胡公方

巡浙東台溫諸郡得報連日夜馳詣嘉興會賊從嘉善來前驅淹
邏薄城外衆悉懼甚公曰兵法攻謀為上角力為下矧又無兵乃
密屬吏取酒百餘甕鑽其頸投以毒劑塞如故載兩船選兵卒機
警而猛者假冠服持赤牘坐船上稱解官解酒餉軍載向賊所從
道見賊即褫去冠服走賊信不疑馳報諸酋長諸酋長得酒大歡
相率高會痛飲率多死已又令村市酒家皆入毒藥中約償以直
民所有米漬藥水泚而遺之賊往往爭取飲餒輒又死然賊黨尚
多或言宜恒怯適保靖宣慰彭蓋臣所領土兵數千人至可
恃勇紀思使人傳語之曰賊善伏且知分合我兵常
在左右其手防其後圍盡臣不聽衆銳自前果

陳廉計於城南石塘灣始大悔遂有潰志遠近雲集大失望
公深憂之曰如是我技窮矣於是親詣軍營宣諭且勞告之曰勝
負兵家常事惡足念凡爾所以債者以不知地利中其伏我聞
汝曹多死衆絲焚無紀且久不得食息暇可攻若等無畏顧多
無不與器械乃使八悉索諸質肆故衣頒給之加賜錢帛牛酒飲
之在諸金木工晝夜繕造器具懸重賞苗兵感激思奮察可用乃
盡石塘地形曲折曰汝宜以兵若干為前鋒從塘路進若干為
奇兵伏道左水兵船若干環列道右防其逸皆後前鋒數里候賊
將至某處前鋒迎敵佯敗走俟其過伏伏盡起三面夾擊莫不勝
矣蓋臣如公策賊果債敗北走平望平望故別有苗兵營賊不知

會總督張公從松江蒞程來視師而永順宣慰彭翼南復從湖
西出胡公又同督察趙公部署參將盧鏜等厲激之且躬擐甲冒
徑馳馬趨出四面合圍軍聲遂大振賊大沮遂走王江涇既而疲
於奔又餒且病矧無統紀遂大潰不支土兵與我軍乘之斬俘首
貳千餘級墮溺水死者不可勝校蓋自是嘉興杭人始安枕軍民
主客始知賊猶人非真若鬼神雷電虎豹然不可嚮邇漫有圖志
賊亦自是稍稍顧忌逆氣狂謀漸以虧削始可誘而圖矣嗟乎奇
變決而波才破各澗襲而淮淝捷嘉山合而博陵奔蓋自昔禍亂
之興必有其材武韜鈴之臣以指揮肇畫救寧賊定蓋天所以
聖人鴻德好生常假手平鉅公偉人實為之執云

其果夢夢哉武進左子好論次當世事而謂故所收公私牘牒所載王江涇戰功清無紀屬余詮次余為詮次而歸之庶後經世者有考焉

平望之捷

嘉靖乙卯夏五月官兵敗賊於吳江之平望先是永保之兵既皆失利賊遂肆意猖獗一西北入太湖犯常州一西南犯杭嘉湖其犯杭州者至塘棲二宣慰復失利賊掠北關去欲由蘇州入海道吳江之平望浙直鄉兵會擊之賊腹背受敵大敗走松江至三店我兵邀擊之斬首柒百有奇中毒死者千餘人是戰也巡按御史胡公宗憲副使董士弘僉事王詢以浙兵至恭政任環知府林懋

舉以直隸兵至而三店則推官劉泉功居多皆不藉客兵之援由是而專任鄉兵之議興矣嗚呼客兵之用豈得已哉蓋彼之獷狽不馴非素有禮義之習我之恩威未洽難責以忠愛之心恤之過則驕操之急則變勝敵不足以償其掠民之害厚賞不足以稱其邀求之私前方城宗氏論之詳矣雖然寇攘猝起民不知兵慮客兵之禍而徒驅民以戰如投羊於虎是畏溺而避舟者耳故調客兵者一時之權恃客兵而忘練鄉兵者非經遠之策調客兵而練鄉兵其可用矣而後酌勢之緩急敵之多寡以處客兵遣之則我無乏用之嫌留之又育以制其反噬之毒我師梅翁之底定東南也外立戰勲內鮮兵變今日遣客兵數千而賊無玩心明日來客

兵數千而民無懼色者用此道也彼謂客兵必不可用而又無練募之法者吾不知其所終矣

陸涇壩之捷

嘉靖乙卯夏五月松江柘林之寇千餘人流突李塔匪歷張庄小崑山趨泖湖而北保靖官慰彭蓋臣兵追之抵蘇州之陸涇壩壩離城拾里而近兵備副使任環督兵擊之擒其梟帥俘斬伍陸百級水火死者不計屍盈阡陌棄水為赤殘寇僅貳百人值暴雨追之不克逸歸柘林嗚呼往歲倭賊覘我無備揚帆深入視吾蘇不啻凡上肉耳是捷也論者皆謂我兵有死之心無生之氣而又益以蓋臣善戰之兵其勝官也愚謂不然戰之日續親見之矣撫巡

乘城督兵傳餐寇矢如雨自安門以東達於陸涇壩我衆連呼戰者三曰今日我任父對敵所不捐生以報者有如此日由是士氣百倍總兵俞大猷并二宣慰兵三路並進奮勇夾擊遂收全功當是時使非任公身先督戰則吾不知民之慘力者何如使戰而弗勝則鼓寇之怒其慘吾又不知何如也抑陸涇蘇之東境也前此浙江巡按御史胡公宗憲有王江涇之捷則蘇之南境後此提督都御史曹公邦輔有橫涇之捷則蘇之西境未幾任公復有三天浦之捷則蘇之北境一歲而賊四劔於蘇蓋自是而蘇無倭寇矣

橫涇之捷

嘉靖三十九年秋八月倭賊自象山登岸流突南京挾擊二門殺一犯

總一指揮走無錫而南都御史曹公邦輔引兵馳護

本隊因追及於蘇州之滄野賊驕蹇益甚公與副使王崇古僉事董邦

政知府林懋舉知縣康世耀把總姜宇曰此賊勢埒數千勦敵我

地形兵力為彼所窺他日大舉入寇何以支之誓滅此而後入城

乃分授信地申主客應援之規以崇古邦政宇率指揮張大綱武

生車梁躡賊所向遇敵先登為正兵懋舉世耀各領兵屯吳林廟

之左北護郡城南扼賊衝為援兵嚴家兵左哨沙兵右哨分突衝

截為奇兵度賊走太湖募水兵於湖濱東山巡檢領船數十往來

探哨為遊兵又度賊不走太湖必分踪以牽制我師或棄金帛於

道餌我嚴諭毋離伍毋拾遺士皆股栗殊死戰賊至吳林廟我兵

擒斬貳拾柒人餘走楊山迤至靈巖奪民船由新港出太湖欲走
洞庭見我兵旗幟不敢渡復登岸至橫涇前馬橋匿一民舍我兵
圍而火攻之賊潰出遁伏田禾中不能得車梁捫其所殺人肉尚
未寒又草露未動乃令衆大呼賊在此賊果驚出遂俘斬之無一
人得脫者而大綱手刃數人乃盡死之始賊之在無錫也欲尋徑
常熟往附柘林之賊劫二人前數十武導之常熟在無錫之北二
人給之而南且道辟行人曰賊至矣報官兵賊已陷絕地速來可
盡擒也賊比敗恨二人入骨競鬻割之嗚呼是賊以伍拾客入楚
楚八郡轉戰叁千餘里所過皆不焚劫唯與敵者殺之此其勢其

志可哀也已計昔公之策群有言之知公無私之禍未已也

然張大綱之破敵二人之給賊其功固非碌碌者惜二人之姓字不傳爾

後梅之捷

嘉靖乙卯冬十一月倭賊自福建福寧州之連江洪流入浙境越平陽仙居至寧波奉化與錢倉賊合幾衆百人深入紹興勢益熾蔓提督都御史胡公宗憲親督兵備副使許東望容美土目田九臂同知曲入繩等兵往戡之遇賊江橋僅隔一河公謂諸將曰賊見我不顧而南其氣未可乘若稍止觀望可圖也吾茲試之乃於馬上自持一幟作指揮狀賊果聚觀公笑曰此易與耳乃令兵渡河九臂之其前入繩襲其後賊見兩兵迭至大怖而走至後梅匿

氏家公復大笑曰賊若乘我兵半渡迎擊勝負猶未可量今已投
死地復何能為乃悉衆圍之三匝縱火焚之死者強半值天匪公
與將士立田中夜五鼓大霧咫尺莫辨賊乘黑衝典史吳成器軍
成器故善戰驅兵四面奮擊之擒斬復若干人然脫走者猶衆公
計賊必由山西嶺而遁嶺之巔可伏也命設伏以待夜將半賊果
至遂大敗之斬首及焚死者積伍百貳拾有奇餘奔太平蒲岐港
官兵復追之賊堅壁不出乃夜偪賊壘投以霹靂火器礮若劫營
者賊驚起自相攻擊死者又若未人得脫者無幾竟出洋去丙辰
春正月也時公新膺簡命未決旬輒有奇捷如此

嘉靖乙卯冬十一月倭船三艘熾南麝之西麓提督都御史
憲預設海艦封守其固二船不能入揚帆而東其一西走我兵躍
之沉其舟追入寨內相持八晝夜賊窘甚從山後竊划船逸去颶
風驟回登劫太畧至三港守備劉隆千戶劉綱百戶張澄戰歿於
陣賊勢復熾遂越金鄉趨台州以漸北向時公方奏樂清之捷會
台州告急公笑曰寇來有三敗我皆得之不足平也初寇登平陽
守將不循約束故得深入今台守譚綸千城之將且素受方畧賊
玩蹂其疆一兵法小敵之堅大敵之擒寇方得志三港其氣驕我
兵方捷於樂清其氣動以勁乘驕如拉朽耳二客美兵精悍甲諸
部萬里從征朝氣正銳但初未諳險阨今授以布伏邀擊之法則

為全勝之技三遂命分道布截天台以南綸兵當之新昌以北容
美兵當之綸兵逼壘而進以典史吳成器統部健為前哨報効吏
章延廩為後哨百戶王世仁陳濠督健卒伏於小江道左知事張
東督鄉兵伏於顏坑諸處而又迎賊所向預置藥窰藥餅餌之由
是賊或中伏或中毒擒獲甚夥餘頭傷死者不計始悔入台州境
十二月抵新昌知應台關有備去至嵎縣三界上館嶺會衆表兵
陳而待田九臂以正兵當其前田九章援兵繼進左翼則劉守正
倫伏兵當之右翼則經歷畢爵伏兵當之指揮吳江率部兵進
後背夾擊且多張旗幟為疑兵以撼賊勢賊四面受敵真觀
我兵追之入清風嶺列安祠停斬壹百柒拾餘人賊屍滿路

仇璧溫台紹二郡始克勦滅其敢於深入者由恃紹興之倖谷
合夥迨越台州始知舊倭已破於是既畏譚兵不敢南復畏土兵
不敢北卒至於敗如公所料云

仙居之捷

嘉靖丙辰春三月

朝廷以都御史胡宗憲累建奇勲命以兵部侍郎總督浙直福建軍
務會福建桐山之賊流逼浙境同知黃釗指揮梅魁禦之賊潰圍
北走公密令副使劉懋預伏兵塔石蕉浦諸山巖險阨則潛置火
器以待仍列舟師於山側之江濱賊至伏起殺傷甚衆遁由天門
隸至平陽青田越小峙沿江而南遂入荆溪荆溪通仙居樂清之

孔道也時臨海天台業已受公計集鄉兵守黃潭若孔中渡由是賊不得犯寧紹由烏杭西入仙居乘城築未完衝突焚劫慘倍他地乃谷提督都御史阮公鶚馳救之復行副使許東望知府譚綸總兵盧鑑兵從東路而進賊聞大兵且至遂走斷橋彭溪集於民舍我兵合圍攻之俘斬三百餘級焚溺死者無算所存六十餘人取遁天台之北復為赤城民兵所殺是時浙東西碛石梁湖之賊各萬餘人俱薄會城魁桀難制江南此賊尤熾者數亦逾萬公以一身寄諸藩之安危以一心當百萬之兵中隨機督勦等無遺策百戰百捷實山之捷兩浙有西庵清水壩之捷而桐山浣溪亦旋

乍浦之捷

嘉靖丙辰秋七月賊徐海陳東之解桐鄉圍而東也陽為聽視
實狐疑自呂港新場移屯乍浦城南營廠絡繹改修舊船以備出
海且窺伺我兵強弱為其進止總督侍郎胡宗憲策知其計曰外
示羈縻而密檄副使劉燾圖之會尚書趙公文華再

年督察至公乃與定議以乍浦西南海塘可通杭州咨浙福提督都御
史阮公鶚偕郎中郭仁副使徐洛總兵徐珏等壁海鹽以遏犯杭
之路東北金山可通松江浦東容直隸提督都御史張公景賢駐
松江而參政任環僉事董邦政留守王倫同知熊符容美土官田
九宵等扼青村黃浦及出海之路公親督大兵與參政汪伯參議

王詢等駐平湖與賊偪壘而陣總兵俞大猷盧鏜等則以舟師設伏洋山馬蹟邀其歸路分布既定候閒而發適上海之賊田吳淞而西南出復萬餘人公恐海或中變與之連衡急啗海使東出擊賊可得舟還島海以為然果逆斬賊數百賊遂夜走以故海不及取其舟而返其他酋長脫出海者公已別遣大猷伏飛艦海上遮擊之溺且盡公又計海書記麻葉不死無以堅其內附之心而陳東者與麻葉舊情同鄉之設與海相昵昵者也於是又計令海傳麻葉併陳東以獻海遂併有其衆而諸酋長則疑且怨海益公海自公進退無所而公故與趙公薄責海北急因遣謀私海令其誘

徐海本末記
公乃令副使劉燾引游擊

葉衡兵夜伐乍浦城

中而徐珏等兵分為三哨進壁白馬廟左瀨

寺兵由平湖間道而

出奔海曹廷慧察將一僅等壁乍浦城以為

內援至期珏等移營

海傍果挈妻走海上艘群倭爭逐之大亂

城上舉火我兵四合

遂大敗之燒賊巢版二十餘里時海執稱

歸順投梁庄去諸遁

匪海洋者大猷兵邀擊之前後俘斬六百有

奇沒海及焚死者無

算乍浦之賊無孑遺矣徐海以首惡煽禍

而陳東麻集等為之

犄角勾引外夷侵擾中土受其螫毒者五年

矣丙辰春權眾數萬

分道入寇北犯瓜楊阻絕運道東掠寧紹悉

制我師聲言欲下杭

州犯留都比之曩時猖獗尤甚公相度機宜

不輕與爭鋒捐千金

賞敢死之士用間誘退巨港賊艘以伐其深
立功以剪其羽翼之勢擒麻葉擒陳東度其
困獸死鬪乃故弁船海濫開一面之缺而卒
脫者後先下着不爽纖微島夷之所以畏服
者不以此哉不以此哉

紀剿徐海本末

嘉靖丙辰徐海之擁諸倭奴而寇也一枝由
京口一枝由松江入略上海一枝由定海入
數千人而海自擁部下萬餘人直逼乍浦而
入略慈谿等縣衆各
今人人爭爲死戰又導故新括休養軍士
所部數千人

兵攻乍浦城蓋四月十九日也當是時

朝廷方奪故總督而新總督胡公自提督代之甫八日間幕府麾下
募卒僅三千人俱孱弱不可用故總督所徵四川湖廣山東河南
諸兵俱罷去所為緩急者特容美土兵千人及叅將宗禮所藉河
朔之兵八百人耳南北諸倭酋不下數萬謀者聲言他酋分掠於
江淮吳越諸州郡間以扼援兵而海等當窟乍浦下杭州席卷蘇
湖以脅金陵氣恣甚總督胡公方召諸司畫計無何故提學阮公
代胡公為提督檄未至夜半聞乍浦圍卷甲趨之胡公亦分遣兵
澈浦海鹽之間為聲援而自引兵壁塘棲相犄角居頃之海聞新
總督胡公即故御史所嘗提兵督戰於營湖王涇之間而覆之者

氣稍阻。蘇麟平浦園聞兩公方擁兵壁近郊。不復敢窺杭。於是徑
略峽石。越皂林。出烏鎮。以北烏鎮者。即海故所犯蘇湖舊路也。當
是時。胡公既獲謀度蘇湖之間。惟鶯湖為四戰之地。於是檄河朔
兵。自嘉興入。駐勝墩陣。而待。因以吳江水兵遮其前。湖州水兵尾
其後。而公自引麾下募卒及容美土兵。衝擊之。提督阮公自宗德
聞賊出。出烏鎮也。即道挾河朔之兵騎而馳及之。於皂林。令善射
者且躍且射。賊稍稍引去。賊縱數百人嘗之。輒又敗去。賊怒甚。鼓
噪而前。提督阮公勢皇急。於是走輕舸入保桐鄉。而叅將宗禮與
裨將霍貴道等乃自張左右翼。厚集其陣。以待戰。數合。擊殺數十
人。霍貴道等引去。時賊氣頗蹙。而宗禮霍貴道等亦已絕。

不得擇善地便水草以自休止明日餓而戰賊遣候者樹而望蓋孤壘以塹無他援者也太喜復縱兵以半擊其前以半繞其背而霍貫道河朔故驍將也大呼衆力戰矢砲如雨下無不人人一當十復擊殺數十百人而貫道亦手自刃十餘人賊益怖海且中砲欲馳去會火藥盡霍貫道面宗禮仰天呼曰吾兩人再得藥數斗可以了此賊矣未幾貫道與宗禮俱陷衆大敗賊遂乘勝圍桐鄉時總督胡公已引兵躡崇德聞之潸然流涕曰河朔之兵既敗東夷之事無復可支矣賊已困桐鄉假令復分兵困宗德以劫我我兩人譬之抱石而自沉也

國家且奈何於是還省城檄諸路兵為戰守計先是公始為提督時

嘗與督尚書趙公謀曰

國家國海上之寇數年於茲矣諸倭奴乘潮出沒將士所不得斥候而戍者人言王直以威信雄海上無他罪狀苟得誘而使之或可除攘其黨也按部題亦嘗有用間為策者於是遣辯士將洲陳可願友故嘗與王直友善者數輩入海諭直直果感悅願如約遣其養子毛海峰欵定海關謝過間以諭海海已勾薩摩諸島人入劫故不相及而海峰者云云彼固未之聞也胡公策曰直與海雖順逆不同其勢固唇齒也直既悔悟海猶不可以太義說之乎不然彼貪人也誘之以利或可徇其心聞桐鄉城小而堅緩之數十日則永保成矣至固可破之矣於是疾走人諭海峯因厚遺謀者降

過海所曰直已遣子欵定海關

朝廷固且赦之矣若獨無意乎新總督威名非曩時比且仰體

朝廷德意推心置人腹若不乘此時解甲自謝他日必為虜矣海頗
然其計於是亦遣酋自謝約罷回去因以要公稍出中國各物遺
他倭酋而疏釋其罪公佯諾輒以銀牌綺幣厚遺來謝酋而陰令
營中盛兵容私謀者故縱酋瞰之酋既德公遺又內怖公之兵威
也歸以報海明日復遣他酋來謝公親之如初凡數復海於是始
歸心於公願為公死之矣然陳東獨心切疑海私公遣猶執執未
之從也海間遣酋次桐鄉城下私城上兵曰某已聽總督胡公約
解去矣城東門故柘林賊陳東黨也驚悼不吾從若當謹備之是

夕海果道崇德而西且乞他兵於公以夾擊東胡公猶心訝未之
許而東獨盛為樓櫓撞竿以撞城而桐鄉令金燕者彊幹吏也城
中一切兵仗火藥諸已繕備提督阮公復躬厲矢石徇城上人下
令散千金募敢死之士督戰益亟所殺傷賊亦數十人方撞竿自
樓櫓中躍而撞城城幾壞一男子為縉索圍撞竿所擊故窟處竿
至即縉挽以上斬之又募治者煮鐵汁灌城下酋城下酋不敢逼
東既無何聞海等解去道遠勢且孤亦相與稍稍引去圍始解云
提督阮公出矣時五月二十三日也方阮公困桐鄉時固日夜運
總督胡公援兵之至而胡公亦重念東南之安危身之禍福與民
休戚且暮情固急業口遣兵備劉公督同劉學士王倫宣撫用

人聽手刃方守迂公督同知縣張晃勒兵自湖州入
爲鎮參將丁僅勒兵自滄鹽入壁王店指揮樂墳督同千戶羅
天與勒兵自崇德入壁石門又令崇德令崔近思收河朔之散卒
入城爲聲援兵四面環賊遠者二三十里近者十餘里而陣然各
以狃皂林之敗逡巡惶怖不敢逼而公業遣諜羈說賊亦日夜望
永保成兵之至以決一戰也計無可奈何而胡公與阮公兩人者
爲同年故深相結者及援兵不合阮公自園中頗急於是兩相猜
而他謗者與爲飛語撼兩公者盈道路矣當是時

朝廷聞東南之寇即日出尚書趙公督山東河朔諸兵援之又兩公
所私相猜者語頗聞趙公趙公亦故與兩公者爲肺腑交近嘗而

推轂中朝以鎮東南者念兩公卒有鄰則東南之事牴牾不可圖
於是日夜引兵而南至揚州則阮公棄已出桐鄉圍東渡錢塘徇
會稽諸下邑擊他賊胡公亦聞尚書趙公之至且戰且南淮揚昆
陵之間無足慮海為巨孽間雖狃而內附中固不可測而上海之
賊萬餘人由吳淞江西引方急廼遣諜者陷海以金帛而說之
東出海上擊他賊海亦果收諸倭酋出乍浦道平湖時諜報吳淞
江之賊已鼓行涉嘉善界欲西合海公念海萬一卒他變兩相合
奈何因策海始已焚舟為溺人今不得舟必急於是遣諜訶海謂
海賊內附何不約勒兵擊吳淞江賊且具奪其輜掠舟以
海果然其計却引諸酋迎之朱涇道上斬首若干級餘賊

先以改海不及舉其舟而還及後風而出海也公又別遣

兵俞大猷伏船湧上遮擊之溺其於是海既德公不敢背

聞吳淞江賊之出為海兵所遮擊益內怖日輸款於公遂罄故所

戴飛魚冠及他堅甲名劍數十種並輸公而間遣其弟洪入質

於公公固佯納之公又謀聞海麾下倒書記葉麻為長曹其為人

頗黠而悍近與海爭一女子有微嫌非用間急縛之則無以死彼

之內附之心於是遣諜就海帳中誑海縛葉麻以出葉麻出而諸

酋中故隸葉麻部曲者稍稍怨且懼矣怨且懼恐生他釁則又以

他罪縛得幾百餘人公又策陳東於諸部曲中與葉麻聲相倚頃

以桐鄉之役兩睚眦者也數遣諜持簪珥環翠遺海兩侍女令兩

侍女日夜說海并縛東海間諾而陳東者薩摩主弟故帳下書記
酋海固未之能也於是出葉麻因中令其詐為書於東反兵賊殺
海其書故不以遺東陰泄之於海激怒之使并縛東海讀其書涕
雙下益德公之不忍為東所賊殺之也日夜謀縛東以報公居無
何尚書趙公移兵渡江來所過州縣數舉兵向賊賊輒敗走俘斬
若干級兵威大布當是時公已知海之甘心於東不忍疾擊海疾
擊之兩人迫而深相結則東南之事未易圖而尚書趙公之至也
私約公共部署兵擊海日急且召公故所遣謀面詰之曰若為我
諭海勿連兵以來罪不容死非縛陳東及斬千餘級以獻恐

朝見之能則吾嘗聞之矣。然則海盜之患亦至矣。亦至於是海盜怖出所故據中國。其數千餘金賂王侯。許諸侯。署書記海因夜得東即縛以故約復於胡公葉府與陳東相繼。而諸酋長洶洶內亂矣。是時諸酋長既疑且怨海無關心故其氣日窘海亦自度縱令反故島當亦必為諸酋長所賊殺故為內附日固而公與趙公薄責海益急海既急因念欲掠舟出海恐為海上兵所劫欲列壘拒官兵又業已內附不忍背且陳東黨固日夜襲殺之也公策曰彼既亂吾可乘之矣因遣謀私海曰我固欲寬若趙尚書翁以若罪孽大何不聽我賊數十艘海上若且誘之逐海上艘令俘斬千餘級以謝趙公而若因得以自完乎海不得已

且疑且諾因約兵備副使劉公引兵伏乍浦城中而某日時某當引衆出海岸去乍浦城半里而陣佯令衆酋逐海上艘某手旗麾之城申官兵即舉燧為號從城中出亟擊勿失諸官兵卒如故約乘之諸倭酋逐海上艘如蟻不及還兵聞於是諸官兵得乘勝蹂而前不傷一卒所俘斬數十百人沒海者無筭於是海自以數有功於

朝廷願與部下諸酋長入款且庭謁胡公與尚書趙公提督阮公及巡按趙公並許之諜往復期以八月初二日然海猶恐間設甲士竊之先期一日卒擁酋數百人冒而陣平湖城外自帥酋長百餘人而入平湖城中以求四公者計不計恐他變遂許海

長北嚮面四公被次稽首呼天星爺死罪死罪海欲再為赦胡公而未之識因顧謀謀目示之海復面胡公稽首呼天星爺死罪死罪胡公亦下堂手摩海頂謂之曰若苦東南久矣今既內附

朝廷且赦若慎勿再為孽海復經首呼天星爺死罪死罪於是四公厚犒遺之而出是日城中人無不洒然色變者海既出諸公者固已忿恚海之列款猶冒而入屬疆脅無禮又不及如謀故所期月日而先日卒至也其習行桀黠若此於是闔謀不勒兵誅之他日必為患計部下尚千餘人猛鷲難即破永保兵猶迤邐遠道水至也於是佯令海自擇便地居之海果自擇便地得沈家庄即僦沈家庄與居之是為八月八日當是時衆復喧然譁諸公輩何不撲

滅海不然且縱之出海上令自解去顧秦虎以自禍也不知諸公者固有待於是胡公與尚書趙公提督阮公私自部署兵又日夜遣使趣永保兵來曾兵未集恐海驚禍且肘腋間胡公因日遣諜謂海上言海如暴時公因謀以誦於趙公曰吾聞善兵者乖其所之海與陳東黨業已深仇今合而兩附者迫故耳聞沈家庄故東西兩處而中縮河為壑何不說毋以西沈家庄居陳東黨而自擇東沈家庄以居部下首平謀以誦海海果如其言頃之永保兵至會海輸二百金於公市酒米公復與趙公謀以藥毒其中而歸之又令陳東詐為書夜遺其黨言海已約官兵夾剿汝輩矣陳東黨果劫而夜伏邏卒東沈家庄道上瞰之適海急急因令首竊兩侍

女出道上而急則因間道走幕府以自報。陳東黨陳東黨聞之入驚即勒兵纂兩侍女過海所罵曰吾死若俱化耳遂私相稍而聞海中稍衆大亂明日官兵四面合牆立而進保靖兵先當之稍却河朔兵乘之又却俄而胡公操甲厲聲叱永保兵左右列大呼而入瞰壘下墜會風烈公麾衆東千餘炬人各持炬縱火焚之海窘甚遂沉河死甫食頃人人執鳥而攫千餘首蒐斬殆盡矣中所故飲毒首虜黑色者凡叁百餘人於是永保兵俘兩侍女而前問海何在兩侍女者王姓一名翠翹一名綠姝故歌伎也兩侍女泣而指海所自沉河處永保兵遂蹈河斬海級以歸

龔山之捷

嘉靖三十五年十月

龔山之賊自温州登岸蔓延於會稽經歷文某與戰於苦竹嶺副使孫宏軾併軍門所調奇兵與戰於析開嶺於翁家村叅將盧鏜與戰於斤嶺於梁衙賊少却走龔家畝百官渡過曹娥江順流而西狡點善聞噬齧孔棘初總督都御史胡宗憲方在浙西勦川沙之賊移檄諸將竟未有能殄之者至是親提大兵至欲斬不用命者以殉於是僉事李如桂王詢指揮楊永昌知事何常明典史是成器等兵併力追擊於瓜山戰三界戰毋婆嶺朱家淩賊遁蕭山之丁村杭湖至陳家灣雖多所殺傷云凶賊俞熾公至擇地形壁龔山之巔分諸將信地皆露宿以待時叅將盧鏜戰還公促明

再戰鏖曰士疲矣休養數日乃可公佯許諾而密召親兵謂曰若
曹叅養久未立戰功今賊行滅而諸將首鼠不進萬一賊得脫此
徑渡錢塘江奈何今日正若曹立功之會能乘其不意而襲之賊
可盡也衆皆踴躍請効死已乃激令成器統之以進不數里遇賊
死戰無不一當十賊遂大敗循海而走登匿山坡保內我兵四面
奮擊不得已登屋擲瓦礫下瓦盡繼之以槍槍盡投刀刀盡乃下
死守我兵攻堡破之悉斬首以獻時日且暝公喜謂諸將曰此賊
流突千里轉戰無慮數十無能攖其鋒者今一鼓蕩平真

朝廷天威也命取賊心啖之選獍獍首級廿餘顆置案上每顆為飲
一觥左右皆失色而公談笑自若也達旦諸營方知破賊相率入

賀公謂鏜曰再一二日何如鏜大慙服乃完師而歸時乙卯冬仲
既望也

金塘之捷

嘉靖三十五年

辛五郎者宿寇徐海之偏裨也與陳東葉宗滿葉麻輩同巢柘林
攻乍浦圍桐鄉毒螫吳下諸郡其志欲吞全浙窺留都勢甚猛也
總督胡公欲滅之忌海與其黨既而海受餌為我虜擒其所惡陳
東麻葉輩而遣其所懼以歸倭島五郎在焉公密令總兵俞大猷
等分布海洋要衝截殺諸寇而五郎則責之盧鏜鏜接密諭時方
對諸客食忽命治艦之金塘山客相顧莫知所謂鏜自乘福船令
將官率哨船若干以行次日至金塘瞭見北洋有大舟揚帆而南

令哨船四散潛泊少選上船艤金塘之虞賊皆登顛鏜知其為五

郎也令哨船叢射之繼以銃炮賊以手且搖且招搖者示勿攻擊

招者示有所言也哨兵颺言曰欲打話須丟爾兵器則拍掌示無

而呼一董

一董者一家之義乃倭誘也

有華人從寇者曰吾乃胡總督爺招安

放回者也哨兵曰有牌驗乎曰有鏜招衆賊至舟傍慰籍之謂五

郎曰汝既為軍門所遣豈可慢乎請至縣款洽而津送之遂延五

郎同舟餘派哨船分載每載不過三四人多則不能容也五郎辭

鏜厚加體貌五郎不疑宴至深夜鏜坐福船上層將臺侍者引雙

燈上桅俄而哨船蜩聚鏜問之曰如何齊應曰是了五郎大驚請

下哨船與衆夷同宿鏜曰諾令左右送之穴梯而下至蓬戶外望

維海不見五郎悟欲赴水死左右不許曰卧塌在地平下五郎度不能免浩歎就卧遂縛之翌日入定海關乃知賊徒俱已焚盡即前夜起雙燈時也是了者乃復命也群賊死時皆不知軍門之謀僉訝哨兵敢行悞殺五郎亦自以偶遇盧鏜被執不知其出軍門也嗚呼神哉後獻俘告

廟

天子賜函書獎公天下無不稱快云

擒獲王直

王直者歙人也少落魄有任俠氣及壯多智略善施與以故人宗

嘗相與謀曰中國法度森嚴動輒觸禁孰與海外乎逍遙哉直因
問其母汪姬曰生兒時有異兆否汪姬曰生汝之夕夢大星入懷
傍有裁冠者詫曰此弧矢星也已而大雪草木皆冰直獨心喜曰
天星入懷非凡胎草木冰者兵象也天將命我以武勝乎於是遂
起邪謀嘉靖十九年時海禁尚弛直與葉宗滿等之廣東造巨艦
將帶硝磺絲綿等違禁物抵日本暹羅西洋等國往來互市者五
六年致富不貲夷人太信服之稱為五峯船主則又招聚亡命若
徐海陳東葉明等為之將領傾貲勾引倭奴門多郎次郎四助四
郎等為之部落又有從子王汝賢義子王濬為之腹心會五島夷
為亂直有宿憾於夷欲藉手以報及以威懾諸夷乃請於海防將

官而剿之無子遺者而聲言宣力

本朝以要重賞將官魏來百石直以為薄大詎投之海中從此怨中國頻入內地侵盜直又嘗以扁舟泊列表密將俞大猷驅舟師數千圍之直以大箭突圍去怨中國益深且眇官軍易與也乃更造巨艦聯舫方一百二十步容二千人木為城為樓櫓四門其上可馳馬往來據居薩摩洲之松浦津僭號曰京自稱曰徽王部署官屬咸有名號控制要害而三十六島之夷皆其指使時時遣夷漢兵十餘道流劫濱海郡縣延袤數千里咸遭荼毒而福清莆巖昌國臨山崇德桐鄉諸城皆為攻墮焚燔廬舍擄掠女子財帛以鉅萬官吏民死鋒鏑填溝壑者亦且數十萬計比年如是官軍豈敢

王直但為計以請發殘賊處必詭云某島夷所為也故與南雖
知王直之叛而不知受禍之慘皆由直者獨總督胡公前按浙時
見賊進退縱橫皆按兵法知必有坐遣者且賊酋來者皆直部落
也而不聞直來其為坐遣無疑先是間使徽州收其母妻及子於
金華府獄中至是出之豐衣食潔第宅奉之以為餌而疏請以移
諭日本禁戢部夷為名其會注意伺察直也

上從之乃遣生員蔣洲陳可願去正副使以行公以密計授洲等曰王
直起在海外難與角勝於益緝之間要須誘而出之使虎失負隅
之勢乃可成擒耳又曰王直南面稱孤身不履戰陣而時遣偏裨
雜種侵軼我邊圉是直常保其逸而以勞疲中國也要須宣布

皇靈以携其黨使窮髮皆知向化則賊之勢自不能容然後道之滅賊立功以保親屬此上策也。如等領計敬諾而行居無何倭酋重二被擒訊道直事其策與公所料不爽毫髮中外始曉然知狀於是上以公灼見禍本降

酬書褒勞而聞外之事一以委公公得

旨規羅益密御史金淵陶承學交章請立賞格有能主設奇謀生擒王直者封伯予萬金部議從之

詔曰可嘉靖三十四年十一月如等至五島遇王激道以移諭事激曰無為見國王也此間有倣者島夷所宗今渠傳諭足矣見國王無益也明日直出客館見如等椎髻左衽旌旗照色擬王言左右

鎮撫洲等亦勸坐論鄉曲設酒食相慰情款方治洲
遣洲等致勞足下無恙且避席曰自海介通臣

尺牽而鞠之而遠勞訊使死罪死罪洲等曰總督公言足下稱
雄海曲志亦偉矣而公為盜賊之行何也直曰總督公之聽誤矣
直為

國家驅盜非為盜者也洲等曰是何言與足下招聚亡命糾合倭夷
殺人剽貨坐分鹵獲而為之辭曰我非為盜者是何異於昏夜操
畧以臨人之池執之則曰我非盜魚者為君護魚者也雖三尺童
子知其必不然矣直語塞洲等曰總督公統領官軍十萬益以鎮
溪麻寮大刺土兵數萬艘幢雲屯戈矛雨注水陸戒嚴號令齊一

而欲以區區小島與之抗衡是何異於螳臂當車轍也又曰
總督公推心置腹任人不疑拔足下壽婦公妻於獄中館設甚厚
則公之心事可知矣何不乘機立功以自贖係全妻孥此轉禍為
福之上策也直默然而罷乃挾州等巡數小島而還而從此風聞
外夷隨其頤指者頗少變而叛質倚直為淵數者多有離心直始
不安於彼矣初直聞母妻為戮心甚忿欲犯金華及聞州等言無
恙又竊喜於是始有渡海之謀日夜集所親信者計之謝和等曰
今日之舉未可冒昧以往也當遣我至親為彼所系信者先往宣
力以堅其心待彼不疑然後全師繼進始可以逞真矣曰妙非也
遂托宣諭別國為名留將領三島令葉宗滿王汝賢王激同陳可

願回至寧波詰之皆云宣諭未至時徐海陳東已擁薩摩澳夾過
洋入寇矣今王直歸順先遣葉宗滿等投赴效力成功之後他無
所望惟願

進貢開市而已公得報已揣知其計姑從所請疏

上許之公喜曰虜在掌中矣先是海軍倭寇敗沒有零寇百餘據舟山
為亂公遣葉宗滿等協助官軍剿之盡殲焉公疏

上功次犒賞有差王激笑曰此何足貴若吾父至當取金印如斗大嘉
靖三十五年三月徐海等果擁衆十餘萬寇松江嘉興諸郡甚急
聲言欲下杭城取金陵勢張甚公乃謀之王激等以觀其意激等
初欲小試態勤故甘心於舟山之寇至於徐海等正其所倚以圖

大事者且欲速直未共濟乃辭曰是非吾所能辦須吾父來乃可耳遂留夏正童華邵岳輔王汝賢在軍門自以招直為名與葉宗滿開洋去是年徐海等以次就擒事見徐海傳公恐形跡彰露委心留用王汝賢等撫摩若親子然葉宗滿兄弟並加禮遇時時對將吏士民曰直非反賊顧崛強不一見我見我當有處也直聞公意指謂公誠朴可欺欲乘機以全親屬且未知徐海等敗沒以為縱不如所料亦可與之應援得志而去遂決策渡海先遣蔣洲次遣王汝葉宗滿等繼統卒千餘執無印表文詐稱豐洲王入

貢先遣各港據形勝分布已定直乃與謝和等慷慨登舟醺酒集眾三會大獻五言詩破之列表泊岸時須謹備之公當直未至時已反

其有隙璣與何大猷於金山而以總兵盧鏜代之盧鏜者舊與
激等從事舟山同飲食撫循甚篤備至直坦然不疑惟日聚群倭
礮兵刃伐竹木為開市計且募其妻子弟求官封時公計已定仍
姑列狀

上請以安其心

上已知直為釜魚智力俱非胡公敵乃顯

詔直既稱投順却挾倭同來以市買為詞胡宗憲可相機設謀擒剿
不許疎虞致墮賊計公奉

詔而不敢夜馳至寧波城圖方略密調參將戚繼光張四維等督諸
健將埋伏數匝水陸要害星羅棋列魚鳥莫度乃以夏正等為死

間諭直曰汝欲保全家屬開市求官可以不降而得之乎帶甲陳
兵而稱降又誰信汝汝有大兵於此即往見軍門敢留汝邪況死
生有命當死戰亦死降亦死等死耳死戰不若死降降且萬有一
生焉直拂然不悅而公與其所親信王激葉宗滿先遣來見者連
夜卧因佯露諸將請戰書十餘篇於几案王激等竊視驚怖夜半
公作醉夢中語云吾欲活汝故衆不進兵汝不來休怨我也含糊
其辭吐滿床王激等漏之於直且始疑之又使其子澄嚙指血寫
直書云軍門數年恩養我輩惟願汝一見使軍門有辭於

廷許眷屬相聚汝來軍門決不留汝藉令不來能保必勝乎空

家八耳又使邵岳章輩往來游說直猶豫未決公以直執

愆今思已踰五旬察其心神終屬觀望乃開關揚帆示欲進兵直
知四面兵威甚盛終無脫計且知徐海等敗沒孤立無援因嘆
曰昔漢高祖見項羽鴻門當王有不死縱胡公誘我其奈我何乃
曰部兵無統欲得王激攝之公知海上諸賊惟直多智習兵久雄
夷域得人心為難制其餘皆鼠子輩毋足慮諸將亦云以犬易虎
不可失也遂遣激徃直乃桀然詣軍門時嘉靖三十六年十一月
也公執之付按察司獄乃集三司諸大夫參議曰王直始以射利
之心違明禁而下海繼忘中葉之義入番國以為奸勾引倭夷比
年攻劫海宇震動東南繹驩雖稱悔過以來歸仍欲挾倭而求市
上有干乎

國禁下貽毒於生靈惡貫滔天竹人共怒問擬斬罪猶有餘辜公具疏

上請得

旨斬直於市梟示海濱妻子給功臣之家為奴王汝賢葉宗滿俱從末減遣遠充軍王激出洋為昭風所覆其餘從賊魚散烏驚奔聚山谷公親督官兵掃除黨與自絕嘉靖三十九年二月兵部始以封賞之議

上請

詔曰大憝既除海氛已靖部議報謝徐徐何也胡宗憲可大了太保部察院左都御史兼兵部侍郎蔭一子錦永衛副千戶其餘有功

者陞賞有差

舟山之捷

嘉靖戊午春二月總督侍郎胡宗憲擒獲元兇王直其餘黨泊舟山之岑港倚險列柵勢甚猖獗公命把總任錦指揮甘述宗等進泊江口之南都指揮李涵指揮張天杰等泊港口之北總兵俞大猷等以福船并叭喇鳥八槳串網船往來策應指揮周官士官彭志顯領大刺土兵由中路小河嶺入指揮楊伯喬唐蓋士官張領鎮溪麻寮兵由右路碇碯入叅將戚繼光率部兵由左路小嶺入而指揮楊永昌盧錡鮑尚瑾方昇通判吳成器等分道策應叅政王詢劉燾副使陳元珂則監督之約期水陸並進直抵賊巢時

都指揮戴冲霄先用大攻殺傷頗多公許全捷俱准首功禁取級
以妨前進我兵蹂屍而戰賊大敗奔舟急港側砲聲大震復擁衆
登陸抄後死戰我兵後哨稍却前鋒四擊橫衝賊乃歛營固守公
以夷僧德陽稱貢而來賊脅爲聲援可計而離也乃潛縱之令成
器遣謀持信票數百入巢散其脅從由是賊勢自孤爲守益堅公
又檄諸將曰賊所以負固死關者蓋春汛已及計有新倭可爲應
援若哨擊稍疎必流突與合矣此非小利害也其督舟師預爲哨
探之計無何果有倭船泊普陀小道頭衆將張四維推官查光述
等督兵且戰且逐至烏沙門外洋賊遂潰敗俘斬四十餘級賊走
少懸山即朱家尖山也公策此賊與岑港之寇相距不遠

路必由碇礮水路必由嚮礁門乃檄諸將設伏以待已而賊果由
二處奔沈家門與岑港合踪公不得已親蒞定海分遣將領各與
信地福船由岑港南口廣船由北口宣撫田世爵都指揮何本源
等兵由馬嶼至張礮一由寺嶺至三官堂一由小嶺至聚水

塘進而以元珂四維往來監督又遣奇兵由天童逕搗賊船仍近
巢半里許列一老營以憑居中調度參政胡堯臣防守所城督發
糧餉尅期大舉時賊依山阻水列柵自衛火器頗多我兵陷陣先
登者間多被害公復檄諸將從中逼壘而陣且示以哨伏應援之
規更番迭戰以耗其大藥折其銳氣又令夷僧輩招之私語賊遂
互相猜疑至持刀自擊我兵乘隙進攻賊衆大亂夜分縱火焚其

舟死者無算餘各奔巢我兵躡之斬柵而入斬敵百餘級復奔柯
梅嶺我兵追之火其巢廠賊勢窘甚遁出浦口四維與指揮朱尚
禮等舟師追至俞山外洋見賊連艘而行遂以兵船潛伏山下而
以小艇嘗之賊果逐利來追伏兵大起夾擊之犁沉四舟擒其渠
魁汪印山陳禮等斬首九十餘級溺死者不計王直之黨至是盡
矣是捷也五哨之布公有成筭而大猷等參錯不進沈家門合踪
公料敵如神而諸將不先事追擊至塵定海之設非公淵度圓機
小挫不折能因敗為勝且奈何哉嗚呼於是見公之心獨苦矣

海防類考載

捷

嘉靖肆拾年肆月六日倭船壹隻倭賊陸拾餘徒登犯先該海道副使譚分布兵船在彼哨禦遇到隨遣中軍把總艾升統督各官兵擒斬真倭首級陸拾貳名顆

倭犯霏霽所官兵敵却之

嘉靖肆拾年肆月有倭船大小貳拾餘隻倭賊伍百餘徒由觀山登岸攻城該所守禦指揮向桂督率該所官軍各用矢石火器敵死倭賊叁拾餘徒賊忿不退拆毀蔡世揚墳庵屯創教場絞梯叁拾餘張蜂擁夏家山布梯攻打十分危急指揮向桂督率官軍都茂功等奮勇死戰打死倭賊不計力屈勢窮下船開洋去訖本年伍月復有倭船伍隻倭賊叁百餘徒由觀山上岸攻城該指揮向

桂千百戶都茂功等督率該所官軍各用矢石火器奮勇敵退各賊下船開洋去訖

袁村朱家店戴舉湖陳之捷

嘉靖肆拾年伍月內倭船伍隻倭賊伍百餘徒由湖頭渡登岸突犯袁村地方該海道副使王督率統兵把總艾升等官兵擒斬真倭首級叁百陸名顆賊見官兵勢勇遁往朱家店地方隨該把總艾升統督官兵奮勇追勦擒斬真倭首級柒拾捌名顆前賊勢窮遁往戴舉湖陳地方又該把總艾升統督官兵擒斬盡絕計獲倭首壹百伍拾叁名顆

劍山海洋之捷

嘉靖肆拾肆年肆月有倭船壹隻屯泊在彼談海道副使蔡調發統兵把總艾升統督官兵犁沉賊船擒斬真倭首級貳拾餘名顆餘賊溺死者不計其數

南漩綠鷹之捷

隆慶肆年叁月貳拾日有倭船叁隻倭賊貳百餘徒在南鹿等處行使該把總胡震督領官兵追至南漩下洋即獲二船各賊下水生擒真倭叁名斬首捌顆救回被擄民人叁拾伍人貳拾捌日又有倭船貳隻倭賊貳百餘徒突至竹嶼該把總胡震及叅將下遊哨兵船衝鋒戰至綠鷹下洋犁翻壹船圍勦壹船擒斬真倭首級貳拾餘顆救回被擄男婦肆拾餘名口

五爪湖之捷

隆慶肆年肆月有倭船陸隻屯泊在彼該海道副使王督同叅將梅魁統率官兵陳典徐景星楊鸞等擊沉賊船貳隻擒斬其倭首級貳拾餘顆溺死倭賊甚衆救回被擄參人

南麂竹嶼東洛三礁之捷

隆慶陸年閏貳月貳拾肆日有倭船壹隻倭賊壹百餘徒在東洛南麂外洋行使該溫處兵巡道副使張督同叅將胡震統督官兵周津伍奏等追勦擒斬其倭壹隻參顆用火焚溺衆賊死者不計肆月初伍日三礁外洋有大倭船貳隻倭賊貳百餘徒該叅將胡震統督把總李春芳等官兵擊沉賊船壹隻火燒壹隻

擒真倭名斬獲
版壹拾壹顆救回婦女肆口小厮肆人

大衢魯之捷

隆慶陸年陸月各官兵船將已收掣回關該海道副使蒙 照得
汛期將畢恐有廣 國倭船回島嚴督各哨兵船再加哨禦本月初
陸日瞭有倭船貳 又倭賊貳百餘徒在洋行使劫掠當該副使蒙
總兵朱 叅將 鸞督率官兵徐景星等奮勇攻擊生擒真倭
壹拾伍名斬獲倭首貳拾陸顆餘徒溺水死者不計其數救回被
擄男婦捌名口

鹿頭外洋之捷

萬曆貳年肆月拾壹日有倭船貳隻倭賊壹百伍拾餘徒該口州

兵巡道僉事王 督同叅將戚繼美統率官兵王賜文等奮勇攻
擊斬獲真倭首級肆顆犁沉賊船溺死無算

南麂東路外洋之捷

萬曆貳年肆月拾壹日南麂外洋有倭船壹隻倭賊柒拾餘徒該
溫處兵巡道副使並 督同叅將李希周統率官兵葉歡等生擒
真倭伍名斬獲首級壹拾陸顆救回被擄人民壹拾玖名彼時風
浪洶湧即用火攻燒溺水死者甚衆拾伍日東洛洋外復至大倭
船壹隻倭賊捌拾餘徒督遣官兵李春芳等擒斬真倭首級壹拾
陸顆溺死下計其數

浪岡陳錢海洋之捷

小賊千餘在塘汛多起行侵入犯北時總兵出浦寨
大奮率把總徐景星等統領各哨官兵相機遠禦併力進剿
連日又有大倭船肆隻約賊貳百餘徒在積谷山外行便官兵
奮勇追及對敵移時傷殘倭賊數多遁誅東遁本日三兩外
洋又有倭船壹拾伍隻官兵奮勇能材錢潛宋大忠等與賊
竟日銃箭齊發擊死傷者不可勝計各賊望東遁去賊首陳
錢海洋有倭船拾餘隻約賊伍百餘徒官兵徐景星錢潛等
材宋大忠王三錫等合力攻擊自午至夜分各放火器發炮
衝犁沉其貳船斬獲倭首壹拾陸級生擒從賊壹名各徒
溺者甚衆賊船解散我兵分道進剿伍月初壹日在黃泥

哨見大倭船壹隻大小七行使官兵陳仕賢徐和徐金等
追擊過茶山直至高家嘴賊被銃箭傷死者過半奪回被擄人
名其各賊首級撞遇直隸兵船盡行邀取去訖初叁日在東
大洋追及倭船壹隻官兵吳昆等向前奮擊擊沉之斬獲倭
級餘賊覆沒救回被擄者壹拾貳人又哨至下八山遇有倭
隻官兵徐景星等對敵追奔百餘里賊眾大敗忽遇颶風各
訖初肆日哨至五爪湖有大倭船壹隻官兵楊貴等攻擊
船生擒真倭柒名斬獲倭首壹拾玖級被傷溺死者不計其
回被擄人貳拾叁名

陳應良等攻打
小洋官兵將放銃猛攻傷

功黑夜霧迷各賊併船逃遁遺一空船初肆日又追至
白結山海洋有大倭船壹隻官兵焚燬事先對敵斬獲倭首肆
級生擒從賊壹名餘寇胥溺救回被擄壹拾貳人又督哨長童得
秀于魚籠山洋斬獲真倭首壹級樊雲等又於馬蹟山搜斬真倭
首叁級拾貳日徐景星等又於浪岡外洋斬獲真倭首肆級救回
被擄貳人犁沉倭船壹隻

馬蹟山漁船貳捷

寧波府知府周良賓海防同知李乘呈稱肆月拾柒日有倭船壹
隻計賊壹拾肆徒在於馬蹟海洋搶掠漁船當被漁人何邦寵王
景秀等奮勇對敵破其船生擒真倭壹名斬獲倭首肆級餘賊溺

死奪回原搶漁船壹隻本月貳拾柒日又有倭船數隻前來羊山海洋搶擄內有肆倭跳上漁船被漁人李廷臣等執梃對敵打傷叁賊落水生擒真倭壹名

徐公海洋之捷

萬曆叁年伍月初壹日本洋有倭船壹隻約賊伍拾餘徒往西北行使談嘉湖兵巡道僉事王督同分守叅將狄從夏統率把總韓沛等領兵攻擊斬獲真倭首玖級餘賊連船湔沒救回被擄人貳壹拾壹名

張洋之捷

萬曆叁年伍月初壹日本洋有倭船壹隻約賊伍拾餘徒往西北行使談嘉湖兵巡道僉事王督同分守叅將狄從夏統率把總韓沛等領兵攻擊斬獲真倭首玖級餘賊連船湔沒救回被擄人貳壹拾壹名

肆日本洋有倭船壹隻計賊拾肆人前來搶掠漁船當被六等拏命對敵斬獲倭首叁級餘賊盡殺落水

韭山浪岡漁山叁捷

萬曆肆年春汛出師該巡視海道副使劉 會同總兵李 叅將徐正督發各總官兵分布信地哨禦遠洋隨奉

欽差督撫軍門謝 案驗題奉

欽依加添沙唬捌梁船隻派撥各總遊哨直抵陳錢下八山等洋遏其方至又奉

本院撫臨調度指授節宣至肆月拾捌日官兵路宰客寓陳應吳等哨至韭山外洋瞭有大倭船壹隻內向各督水兵衝鋒攻擊生

擒倭賊名斬倭首壹拾叁級奪獲倭船併夷器貳百肆拾伍件
又於本月貳拾肆日官兵徐九章樊雲宋大忠馬自道等哨至浪
岡遠洋瞭見大倭船貳隻入寇約賊壹百餘徒即督官兵奮勇血
戰犁沉前船生擒倭賊伍名斬倭首肆拾肆級湔沒者不計并獲
夷器叁百貳拾柒件救回被擄漁戶貳拾貳人又於伍月初伍日
官兵杜德輝江明等哨至南北竺海洋瞭有異船壹隻向內行使
約有倭賊伍拾餘徒即督兵船追至漁山擂鼓筆架海洋各用火
器攻燒賊船擊賊下水比因銃驚龍起風洩大作止撈斬倭首肆
級餘賊盡皆湔沒并獲在船在水夷器貳百壹拾捌件

金齒外洋之提

萬曆伍年肆月貳拾壹日該分守寧紹徐參將差旗牌官等督率昌國把總邵岳哨總杜德輝等哨至金齒外洋見有倭船壹隻向東南行使官兵奮力攻打斬獲真倭首級捌顆救回被擄漢人叁名并獲夷器貳拾件遇有賊船撞礁滄沒

積穀海洋之提

萬曆捌年肆月拾陸日該分守寧紹盧參將督同昌國把總陸邦彥哨總陳夢斗等巡哨韭山外洋驟見倭船壹隻約賊叁拾餘徒由正東向西行使隨督兵船追至積穀海洋犁沉其船因天晚雷雨海湧止鈎斬真倭首級貳顆及撈獲夷器捌件餘賊溺斃不計

東霍外洋之捷

萬曆捌年肆月貳拾肆日該分守寧紹盧參將巡歷長塗鼠狼湖等處督令中正遊哨把總詹斌錢潛哨官張世澤丘鳳等巡哨東霍外洋遇見大小倭船叁隻官兵攻打犁沉賊船斬獲真倭首級共貳拾伍顆夷器貳百玖拾餘件小倭船壹隻餘賊溺水不計其數

西磯洋岐六嶼海洋之捷

萬曆捌年肆月該松海備倭把總馬繼武先於本年貳月內遵奉兵巡溫處道僉事唐台金嚴張參將軍令統率大小船隻在於東赴海洋往來巡邏至肆月貳拾肆日哨至西磯山名嶼

洋犁沉真倭船壹隻擒獲生擒真倭壹名斬獲首級壹拾叁顆投溺者不計○貳拾陸日又談把總馬繼武遊哨山名洋岐海洋有真倭船壹隻形若海滄督率哨官王慶龍顧汝濟兩相攻擊賊見我兵勢大難支遂各帶刀投溺下水不計其數生擒魁倭貳名斬獲首級壹拾柒顆○貳拾捌日把總馬繼武督同中軍把總石光遠在於六嶼海洋生擒真倭壹拾名斬獲首級貳顆通共生擒壹拾叁名斬獲首級叁拾貳顆俱經解赴本道轉解

督撫軍門吳 驗實首請

欽賞六日三捷勒碑見在

東洛海洋之捷

萬曆捌年閏肆月貳拾叁日該分守溫處叅將潘清督率中軍胡大經統船於東洛沙哨遇倭船壹隻約倭百餘徒官兵奮勇擒獲生倭壹拾貳名首級壹拾貳顆收回被擄人貳名

橫坎門外洋之捷

萬曆拾年叁月貳拾壹日該分守溫處叅將沈思學督率黃華關總哨王龍統船橫坎門外洋哨遇大小倭船貳隻賊百數餘徒官兵對敵傷死王龍賊船追至靈昆海塗督調標營把總馮汝員官兵攻擒獲生倭貳拾陸名從賊壹拾玖名夷婦貳口首級伍顆倭船貳隻夷器壹百伍拾叁件

范腦浪岡之捷

萬曆二十五年三月初五日該分守寧紹陳恭將督同正遊哨
吳陳夢子錢清等巡哨花腦大小船隻等洋遇有賊船就集奮勇攻
劫生擒賊船生擒具係重案新獲首級貳拾顆并獲美器壹百拾
餘件並獲船隻及者衆至本月初肆日又督定海北哨總劉應科正
游巡花腦中遊把總詹斌等巡哨浪岡海洋瞭有草苫大倭船
隻三隻派洋奮勇夾攻龍風猛作官兵冒險鏖戰生擒具係伍
卒斬獲首級貳拾捌顆奪獲美器壹百叁拾伍件

巡加外洋之捷

萬曆貳拾玖年叁月貳拾玖日該分守寧紹陳恭將督同正遊哨
趙應科定南哨哨官韓克華等巡哨洛伽山外洋遇有大烏尾小

草芒倭船貳隻合另攻打犁沉草芒船壹隻倭眾約貳百餘人
傳令不許取級併追倭船忽遇雷風逃遁據報
直倭首級壹顆并獲倭衣貳件倭箭伍枝
名

東霍之戰

萬曆貳拾玖年肆月拾伍日該分守寧紹陳參政督哨口止遊哨
把總陳雲鵬等巡哨東霍外洋時見草芒大船壹隻各
督號船追我兵以仰狼樁入前等項攻打賊船見該倭前船兵
滿兵間有被傷者傳聞各軍大兵亦有益謀以奪其
且獲其小舟夜謀火燒賊船

東洛外洋之捷

萬曆貳拾玖年肆月拾玖日犯夷熊普達等駕倭船壹隻約係未
拾餘徒乘帆向東洛下洋望東南行使哨官張邦達隊長狄龍等
瞭見飛報溫處兵巡道按察使湯署叅將事都司孫蓋臣即
官兵葉得春等駕船追賊逼近亂發矢石銃炮四圍攻打賊亦放
銃矢對敵自一至酉賊見我兵兇猛勢難抵敵亂竄下水當生擒
活倭壹拾玖名并獲倭仗呈解

督撫劉批行三司各道會官譯審賊夥黃維等吐稱夷犯熊普
達等海中劫擄米貨絲客商卷人情真林元等勾引事實會同
按院馬看得以茫一海幸夷共之漁商牟利餌賊島夷以乘汎

援我所從來矣。關首其年朝鮮海上數年絕警。及金倭遁而島夷鄰東南者漸有觀心。二年使船突來。狡謀已兆。今歲分鯨流。超狂能。蓋張況其器利船堅。大非昔比。官兵卒遇。技力難施。聲聞內地。羣情已自驚惶。萬一院備不嚴。縱令闖入。其貽害誠非小。幸沿海要地。預防惟謹。而溫區官兵。遠宵獨敵。合圍攻打。恐難。

是善報。其倭衆生擒。當以分。